

## ІНФОРМАЦІЯ ПРО ВОЛІЧА

По вступі до волебной містности воліч є повинный превказати обводній волебній комісії свою тотожність обчаньсков легітімаціов. Кідь на пожаданя была волічови видана легітімація на голосованя, предложить і тоту ведно з обчаньсков легітімаціов. Наслідно обводна волебна комісія од нёго легітімацію на голосованя одобере.

Потім обводна волебна комісія закружкує чісло воліча в списку волічів і выдасть волічови листы на голосованя і порожню копертку з уряднов печатков села/міста. **Перевзятя листів на голосованя і копертки потвердить воліч у списку волічів властноручным підписом.**

Каждый воліч повинен одыйти перед голосованём до выдѣленой части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

У части выдѣленій на управу листів на голосованя воліч выбере еден лист того кандідуючого субекта, котрому вирішив дати свій голос. Тот лист без далшой управы вложить до копертки **або** на выбратім листі на голосованя може закружковати чісло кандідата, котрому дає свій голос. Воліч може закружковати чісла найвеце штирѣх кандідатів. Кідь воліч дасть преференчный голос веце як штирѣм кандідатам, такый лист буде голосом про кандідуючий субект а преференчный голос ся не буде брати до увагы.

На пожаданя воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто выдѣлене на одложія несхоснованых або неправилно управлены листів на голосованя.

Воліч, котрый не годен сам управити лист на голосованя про своє здравотне зневыгодніня або зато, же не годен читати або писати і ознамить тот факт перед голосованём волебній комісії, мать право взяти із собов до простору на управу листів на голосованя іншу способну особу, абы подля ёго інструкцій і закона управила лист на голосованя і вложила го до копертки. Обидві особи перед вступом до шпеціального простору на управу листів на голосованя член волебной комісії поучить о способі голосованя, о трестнім skutku змарїня приправы і перебігу волеб і о трестнім skutku волебной корупції. **Членове волебной комісії не сміють волічам управлѣвати листы на голосованя.**

Воліч, котрый не може із здравотных прічін сам вложити копертку до волебной урны, має право пожадати, жебы копертку до волебной урны за ёго участи вложила інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізації волеб раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.

Воліч повинен одложити несхоснованы листы на голосованя або некоректно управлены листы на голосованя до запечатованой ладічки на несхоснованы або некоректно управлены листы на голосованя, інакше ся допустить переступліня, за котре буде покутований сумов 33 евро. Кедь голосованя проходить мімо волебной містности, воліч несхоснованы або некоректно управлены листы на голосованя зніщить перед членами раённой волебной комісії.